



## **Universitätsbibliothek Paderborn**

### **Vera Concilii Tridentini Historia**

Contra falsam Petri Suavis Polani narrationem

**Pallavicino, Sforza**

**Antverpiae, 1670**

Capvt VII. An verum sit, Concilio Tridentino euenisse aduersùs quàm sperauerant viri pij de redintegratione Ecclesiae.

**urn:nbn:de:hbz:466:1-11642**

ad veræ conspectum appareat decolor, ita veritas & mendacium inter se collata discernantur ab oculo perspicaci atque intento; eos rogo, quibus licuerit utriusque libros legere, ut diligenter obseruent, in utro illorum sibi videantur inspicere characterem, quo Veritas deberet scribere, si suimoto calamo se metipsam in pagina vellet expingere.

## C A P V T VII.

*An verum sit, Concilio Tridentino euenisse aduersus quam sperauerant viri pij de redintegratione Ecclesiae.*

1 **I**am prius monui, mihi non esse propositum, lectoribus exhibere molestiam, singulis periodis refellendo quidquid falsi dictum à Suaui mihi videatur. Qui hoc pacto se gerit, vel ab animi perturbatione decipitur, vel eam putat in ceteris dominari, quam in scipso experitur: & ea de causa minutissima quæque cœi grandia proponit, sicuti dormienti guttula pituitæ in fauicibus, seu bilis punctiuncula in aliqua parte corporis, induit speciem torrentis hominem suffocantis, & incendij viscera comburentis. Ut plurimum haud morabor scribere, quod alij legere non curarent; solum, ut dixi, id faciam sicubi operæ pretium arbitrabor, numero leuiorum quæ mendaciorum quæ erratorum, aduersarij auctoritatem grauiora peccantis eleuare. At in Proœmio se mihi dant obuiam nonnullæ ipsius præsumptiones valde notabiles, quarum prima profertur à Suaui cum admirabilium antithetorum pictura, quæ dicto fidem conciliet: nam id pronâ quisque sequitur fide, quod vellet; ac dum audit admirabile, blandè erga illud afficitur, cuperetque verum esse. Affirmat Suauis, Concilij exitum nequaquam respondibile expectioni, tum corum qui cogendum illud curauere, tum eorum qui diutiùs sunt auersati.

2 Viri pij, ait ille, Concilium celebrandum curarunt, ut Ecclesiam ad unitatem reuocarent; Principes eidem studuere, ut Clerum ad digniorem formam reducerent: & tamen Ecclesia divisione redditia est per Concilium irreparabilis; Cleri vero devotio formatio

d

formatio



formatio deterior evasit, quām vinquam fuerit, ex quo Christianum nomen exortum est. Episcopi spem conceperant recuperandæ pristinæ auctoritatis in Romanum Pontificem, magna ex parte transgressæ: at Concilium eam penitus illis ademit, maiorem in seruitutem redactis. Contra verò Aula Romana à Concilio abhorrebat, tamquam à causa validissima ad eius potentiam temperandam: hæc verò Concilij ope ampliores quām vinquam firmioreisque radices egit, per eam Christiani orbis partem quæ Romanum nomen reueretur.

Paucis hisce lineis ideam adumbrat, quā Concilium in monstri specie repræsentet. Nostrum erit, ideam illam cursim hīc ruditerque conferre cum eo, quod primo obtutu cunctis apparet in vulto, vt ita loquar, Concilij: nam componere posteā per partes effictam à Suavi imaginem cum vero prototypo, totius Operis erit negotium.

Fieri profectò potuit, vt viri quidam pijs, vi desiderij (quod sèpè spei fallacissimæ parens est) à Concilio sibi pollicerentur redintegrationem Christianæ Reipublicæ: sed nec exempla temporis præteriti (quod verax futuri yates est) neque conditio[n]es præsentis ad eam fiduciam alliciebant.

Non quidem exempla: cùm certum sit, si mentis aciem ad anteacta fæcula conuertamus, ad primum usque generale Concilium, quod Nicænum fuit, Magnum Concilium nuncupatum, summaq[ue] in veneratione apud Ecclesiæ memoriam; ac exinde per cetera generalia Concilia descendamus, habita aduersus aliquam præualidam, ac latè disseminatam hæresim, vix vinquam reperiatur, eam per definitiones cuiusquam ipsorum extintâ fuisse: ita planè, vt S. Gregorius Nazianzenus non fuerit veritus pronuntiare, nullius Synodi successum prosperum à se visum. Reuerà post Nicænum Ariana pestis in vniuersum Orbem grassata est. Illi fauerunt Imperatores: quod illi obsterint viri sancti, indigna passi sunt: ex Oriente vel in Hispaniam ad Goths est peruagata: ibi Regem patrem eò impulit, vt in filij sui primo loco geniti caput seueret; idque multa post

*oblationi*

fæcula,



sæcula, quippe Magni Gregorij ætate. Quid iam de Wandalica persecutione dicemus? de crudelitate Theodorici, de tot Catholicorum, imò tot Episcoporum laniena, quæ bonam partem occupat Romani Martyrologij, simulque lacrymas nobis elicit ob eorum temporum atrocitatem, & gaudium excitat ob illorum fidelium constantiam? Concilium Constantinopolitanum, cui Ecclesia debet absolutionem Symboli,<sup>\* De Divinitate S. Spiritus.</sup> quod ipsa in sacrificio Euangelicæ lectioni adnecit, adesse sibi sensit trigesima sex Episcopos Macedonianos, totidemque à se discedere iisdem erroribus inhærentes, variis subinde ortis motibus, qui Ecclesiam coegerunt, ut rursus confirmata dogmata exagitaret. Post Ephesini celebrationem, eius Legati contumeliis ac verbib[us] affecti à Nestorianis. Cyrillus & Memnon eadē causā de gradu deiecti, ac decepti Principis potentia in carcere detrusi.

Iam verò quodnam ex Conciliis maiori celebritate habitum est sexcentorum triginta Episcoporum frequentiā? cui-nam magis fauere Imperatores patrocinio in terris, Deus in celo miraculis, quām Chalcedonensi? Et tamen Dioscorus ibi caedis & hæresis criminē damnatus, postea in superos relatus, & in Sanctorum honore habitus ab Eutychianis, qui Episcopis religiosissimis trucidatis, nobilissimis Ecclesiis occupatis, Cæsarum impietatem in Catholicos extimulantes, furia militantis Ecclesia facti sunt. Satis sit, ne sim longior, hoc à me demonstratum in quatuor primis Conciliis, quæ sumimè semper venerata est Ecclesia iuxta quatuor Euangelia; & apud Lutheranos ipsos, propter antiquitatem, retinent aliquam reverentiae possessionem. Idem autem accedit quinque subsecutis Conciliis, vt cuique in Ecclesiasticis historiis vel mediocriter versato manifestum est. Atque huiusc rei ratio in promptu est. Contra nullam sententiam à Conciliis declamat rāmquam hæreticam, quæ id temporis communi Doctorum opinioni, simul etiam vel cogentibus Scripturæ dictis, vel auctoritati Ecclesiæ non repugnet. Iam verò quisquis inducit animum, vt sentiat ac scribat contra tantæ venerationis compotes aduersa-

rios, par est profecto, ut à Concilio damnationem expectet, ad quod propterea concilandum se comparet; & solum posuit aliquando Concilium, quòd moræ beneficium, non decisionis accipiat. Nimiùm sane coluntur duo illa idola inter se coniuncta; *Proprium iudicium, & honor proprius.* Rarò mens ea, quam alij reuerentur, patitur à seipsa damnari, præsertim in causa grauissima; multoq[ue] minus hanc sui damnationem promulgari patitur, tamquam in foro exteriori. Mutant, haud inficiat, interdum sententiam homines etiam palam: sed vel ex præstantissimo quodam animi candore atque studio veritatis adducti, quæ rara admodum virtus est, vel in rebus leuioribus, & quas ignorans non pudet; vel iij homines, qui sibi non tribuunt ingenium ad docendum, sed solum ad discendum; vel cā saltēti ratione, vt sententiæ mutatio cum pudore præterito præsentem latidem coniungat, videlicet mutando sententiam vi rationis, ab eo qui mutat inuentæ: cūm graue nobis non sit, plus scire quam sciebamus; & intolerabile, plus ceteros scire quam ipsi sciebamus. Hæc verò difficultas incredibiliter augetur ex ipso arguento in Auctoribus nouæ religionis, cūm lapsus nimis horribilis videatur, ex dignitate vatis diuini, in temerarij deceptoris infamiam delabitur.

Sic igitur de Luthero eiusque sectatoribus futurum suadebant exempla communia, ac generales rationes: haud tamen minus peculiares conditions id suadebant. Cum audacissimo hærestarcha certamen aderat, qui tam veneranda Legum Canonarum volumina sacrilegè in foro Wittembergensi concrimeret; qui de sanctis Patribus scripsisset tamquam de ineptis ingenii, atque illusione occupatis; de vniuerso genere Christiano supra mille annos, tamquam non de Christi cultoribus, sed idolorum mancipiis; de Pontifice, de Cæfare, de Rege Angliae, quasi de hominum face; qui iam debacchabatur ebrius cā summā voluptate, quā fruitur superbus animus in illis prosperè conculcandis, quorum anteā sub pedibus succubuerat; qui sibi Principes in propugnatores, Academias in discipulos, populos in

in cultores ascuerat; qui iam improbab<sup>e</sup> spe fortunam & gloriā noui Mahumetis in Occidente reuocauerat. Et poterat de hoc homine pronuntia*ti*, dicto audientem futurum eisdem Sacerdotibus atque Doctoribus, quos toties probris obruerat, & petulanter irriserat? Dimicabatur cum seductis nationibus vel à sensu licentia, vel ab arrogantiæ illecebra, quā se in arcana cœlestium scientia conspicuas existimabant; adeoque eò firmiores in sua sententia, quō maior erat impugnatorum multitudine. Certabatur cum Principibus, siue illectis ad sacros calices confringendos auditate conflandæ ex illis pecunia, siue intentis ad interponendam Diuinitatem, instar machinæ, quæ solueret nodos eorum obligationis erga Petrum in rebus sacris, erga Cæsarem in profanis: & quisquam ab his sperare potuisse obsequia subiectio*n*is erga Concilium? Quid amplius? Num fortè ignorabantur Lutheri, ciusque sectatorum denuntiationes; vt eiusmodi Concilium congregaretur, in quo viatores ipsi ante commissum certamen aduersus pacificam possessionem Pontificis atque Ecclesie pronuntiarentur? Concilium, inquam, in quo potestas Pontificinulla esset; & adeò tale, vt si vera docemur à Fide, accephalum foret, minimeque legitimū; in quo non alia proponerentur argumenta, nisi nuda effata sacra Scripturae; quæ propter obscuram sublimitatem in rebus quā plurimis, non est satis ad pertinaces conuincendos absque lumine ab ea collato, quam S. Vincentius Lerinensis *Ecclesiastice traditionis lineam* appellauit, Iuris vero periti *Interpretationum reginam*, id est, Observatiō*n*em, seu illam in agendo, seu in credendo seruat Ecclesia: quæ observatio oportet ut monumentis antiquitatis, consensione Patrum, definitionibus Pontificum, tamquam certis testibus confirmetur. Quin etiam postulabant, vt ne omnes quidem sacrae Paginæ ab Ecclesia receptæ inter disputandum proferri poscent: sed ea tantummodo illarum pars, quæ Luthero visa esset; neque ea secundum editionem translationemque communem, sed secundum Luthero probatam. Ex hoc ergo habitu rerum animorumque cuiam

d 3

sperare.



sperare licuisset, futuram redintegrationem, nisi cui liberet  
tem ideo futuram arguere, quod bona videretur. Illud autem  
mirabile: (si mirum tamen esse debet, mendacem sibi repugna-  
re) ipse Suavis profitetur alibi, hanc sibi veritatem esse com-  
pertam, dum anno 1545. refert tamquam Pauli III. sententiam  
sibi probatam, Concilium Germanicæ reconciliationi haud  
conducibile.

Atque hæc ad primum caput, in quo Suavis pronuntiat, ab 5  
euentu Concilij delusas fuisse piorum hominum spes de statu  
Ecclesiæ constituendo. Ad alterum accedamus, in quo idem  
affirmat, Ecclesiæ discordiam potius redditam à Concilio im-  
placabilem; adeoque Concilium non fecelliſſe ſolum emolu-  
menti defectu, ſed effectu iacturæ. Si nomine implacabilis in-  
telligamus, ex eo iam patere, concordiam inter nos ac Luthe-  
ranos eſſe nullam potuſſe, dum hi ſuis in erroribus perſiſte-  
rent; hoc non modò piorum ſpem non fecellit, ſed inter Con-  
ciliarum beneficia präcipuum eſt, correptos peſte ab integris  
ediēto publico ſeiungere. Quid enim significat illud *Anathe-  
ma*, quod ex veterima confuetudine intercalare verbum eſt  
Canonum in Synodis, niſi ſeiunctionem? Quare potiſſima Tri-  
dentini Concilij intentio fructuſque potiſſimus extitit, obſta-  
re, ne multorum Christianorum ſimplicitas ab hæreticorum  
aſtu irretiretur; ſed agnosceret eorum doctrinam Fidei repu-  
gnare, tamquam eo nomine ab Ecclesia Catholica damnatam,  
ac propterea aequè ab ea cauendum atque ab angue, non am-  
plius inter herbas latente. Verū, ſi Suavis præterea eo verbo  
intelligit, à Concilio difficiiliorem hæreticorum conuersionem  
redditam, mendacij reuincitur vel ab ipſo euentu, qui palam  
facit quantum illud contulerit confirmationi fidelium, ac re-  
ſtitutioni perditorum. Hærefis progressus tam immanes ante  
Concilium fuerant, vt perpetuas doloris & commiſerationis  
lacrymas mereantur. Inundauerat hæc eluuiſ Germaniam Su-  
periorem, aggeres Inferioris diffregerat; per Poloniam diſfun-  
debatur; Britanniam atque Scotiam obruerat; magno impetu  
pene-

penetrauerat in Galliam; quin etiam necesse fuit flammis eos riuos absumere qui irrepserant in Hispaniam. At Concilium Iris illa visa est, quæ tanto diluio finem posuit. Obseruetur, an hæc noua secta eadem postea incrementa iactare possit; an potius contra impetum geminæ validissimæque potentiarum, sensus & vtilitatis, illi militantum, viri natalibus, doctrinâ, dignitate præstantes quotidie eius castra deserant? Et quamquam inter iacturas victoriam aliquam interserat, manus, non mentis victoria est, à militibus, non à prædicantibus reportata. Ceterum quemadmodum ante Concilium populi errore occupati capitis famæque periculo ad nouæ doctrinæ sectas confluabant; ita nunc innumeri pænè Catholicî, per eadem discrimina veterem Fidem seruant inter hæreticorum Principum minas & supplicia. At præ memoratis Catholicis ne millesimum quemque reperiemus, qui per eadem pericula & incommoda hæresi adhæreat sub Principibus eam infestantibus. Atque ut inter Catholicos ex eo ad hoc tempus tot viri sanctitate doctrinâque speciatissimi floruerent; ita hæresis ex aduerso ne vnum quidem è primis numerare habet, nec multos ex alteris & hi, si qui sint, lectionis eruditioique laude magis excellunt, quam scientia ingeniique præstantia; præterquam quod eorum præcipui, in Antiquitatis studio ab euidentia compulsi, in posterioribus articulis ab suis hæresiarchis disreparunt, vt Hugo Grotius, & Gerardus Vossius, quos non Catholicos verius quam Calvinianos appellaueris.

## C A P V T V I I I .

*Vtrum Concilium reformauerit, an deformauerit  
Ordinem Ecclesiasticum.*

**A** It secundo loco Suavis, à Tridentino Concilio Principes expectasse, vt Ordo Ecclesiasticus in formam dignioriem redigeretur; sed contrà ab illo effectum, vt evenerit eiusdem deformatio supra omnem priorem ætatem, ex quo nomen Christianum exortum est. Equidem, quidquid esset in me,

